

Wakumbuke Hasa Washiriki wa Kanisa Walio Wahitaji

Kwa hiyo kadiri tupatavyo nafasi na tuwatendee watu wote mema; na hasa jamaa ya waaminio—**Wagalatia 6:10.**

Kwa namna ya pekee Yesu aliweka juu ya Kanisa Lake wajibu wa kuwajali wahitaji miongoni mwa washiriki wake. Anaruhusu watu Wake walio masikini kuwepo katika mipaka ya kila kanisa. Wanapaswa kuwepo miongoni mwetu siku zote na Anaweka juu ya washiriki wa kanisa wajibu binafsi wa kuwatunza. Kama ambavyo wanafamilia wa familia ya kweli wanajaliana wao kwa wao, wakiwahudumia wagonjwa, wakiwasaidia walio dhaifu, wakiwafundisha wale wasiojua, wakiwafundisha wasio na uzoefu, ndivyo ambavyo “Kaya ya Imani” inapaswa kuwajali wahitaji wake na wale wasiojiweza.

Ni wajibu wa kila kanisa kuweka mpango makini na wa haki kwa ajili ya kuwahudumia watu wake masikini na wagonjwa.

Upuuziaji wo wote wa sehemu ya wale wanaodai kuwa wafuasi wa Yesu Kristo, kushindwa kuhudumia mahitaji ya kaka au dada anayebeba nira ya umasikini na mateso, kunanakiliwa katika vitabu vya mbinguni kama vile tu ametendewa Yesu katika nafsi ya watakatifu Wake. Madai ya ajabu sana ambayo Bwana atawadai watu wengi, wengi sana, ambao wanawasilisha maneno ya Yesu kwa wengine lakini wanashindwa kuonesha huruma ya pekee na kuwatunza kwa umakini ndugu katika imani ambao hawajajaaliwa kuwa na mafanikio kama wao.

Mkristo wa kweli ni rafiki wa mtu masikini. Anamhudumia ndugu yake asiyejaaliwa kuwa na uhakika wa kesho kama ambavyo angeihudumia mmea laini, mwepesi kudhurika na kuvunjika. Mungu anawataka watendakazi Wake kuwatembelea wagonjwa na wanaoteseka kama wajumbe wa upendo na rehema Yake. Anatuangalia ili kuona jinsi tunavyohudumiana sisi kwa sisi, kama tunafanya kama Kristo katika kushughulika na watu wote, wa juu au wa chini, matajiri au masikini, na walio huru au kifungoni.

Hakuna swali kuhusiana na masikini wa Bwana. Wanapaswa kusaidiwa katika kila hitaji kwa namna ambayo itawasaidia.